


AWE COLEGIO PASTOOR KRWINKEL LO ELIGINAN REINANAN Y PRINS Y PANTO



**** Awe Reina Colegio Kranwinkel 1994 Ghislaine Vrolijk lo bay entrega su corona. Tambe Prins Kenrick Dania y Pancho Javon Kock lo bay mira ta kendenan lo ta nan sucedornan !..**

** Awe e ambiente camavalesco ta bay pinta den algo grandioso den Centro Caiqueto, na unda e alumnonan inteligente y yen di energia di Pastoor Kranwinkel lo bay eligi nan representantenan di Reina chiquito y grandi, y tambe nan Prins y Pancho chiquito y grandi.

Pa e eleccion di Reina chiquito lo bay competi ocho prinsencita; 1) Zulaika Rozenberg, 2) Jania Jo-Ann Croes, 3) Delmary Lacle, 4) Kathleen Ghislaine Kelly, 5) Miriel Croes, 6) Desiree Kock, 7) Melitza Helder, 8) Desiree Croes.

Pa Reina grandi e competencia lo ta entre cinco candidata; 1) Viola Winterdaal, 2) Marilijn Vrolijk, 3) Gloria Hernandez, 4) Jessica Irausquin, 5) Juraine Rasmijn.

Pa Prins y Pancho chiquito lo participa cuater pareha; 1) Gersee Geerman (Prins Kerre) y Jaison Donata (Pancho Kentenchi), 2) Miguel-Angel Laguez Escobar (Prins Mickey) y Maikel Josmar van der Biezen (Pancho Mouse), 3) Elbert Lumenier (Prins Rek) y Emigene de Cuba (Pancho mi weso), 4) Miguelangelo Boekhoudt (Prins Saca) y Richenald Besselink (Pancho Boem Boem).

Pa Prins y Pancho grandi e

bataya lo ta entre tres pareha; 1) Angelo Rasmijn (Prins Piki) y Monrick Croes (Pancho Pieuw), 2) Deliomar Lacle (Prins Cabuya) y Edwin Tromp (Pancho Konopi), 3) Marvin Vrolijk (Prins Cai) y Elton Kock (Pancho Jora).

Durante e grandioso eleccion aki, e ambiente lo bay ta formal cu presentacionnan di nos super talentoso futuro estreyanan manera e.o. Queen Analia Rasmijn Youth Queen Roadmarch 1995, Derrick Dubero Rey Tumberito infantil 1995 y Edjean Semeleer tambe lo resona su exitoso tumba "Dushi E Ta". Tambe e propio alumnonan tin un tremendo espectáculo prepara, cual sigur lo bay cay na agrado serca e publico.

E tremendo eleccion aki yena cu boshi di ambiente lo inicia pa 6'or di atardi, y esnan encarga pa anima e formidable eleccion escolar aki ta den mannan di e queredisima Tante Elsa y tambe DEN AMBIENTE lo ta presente tanto cu su camera y riba escenario.

DEN AMBIENTE di antemano ta felicita e dinamico comision di Pastor Kranwinkel pa nan bunita iniciativa, y na tur e candidatanan pa Reina, y participantenan pa Prins y Pancho HOPI EXITOOO..

Den Ambiente



**** Entre e precioso popchinan aki huradonan lo bay eligi dos Reina di Colegio Kranwinkel 1995 Rara Rara! ta ken E lo ta ??..**

BAUTISMO C.D. BAD BOYS BRASS BAND



**** Ayeranochi den Rembrandtroom di Holiday Inn Beach Hotel & Casino, a tuma lugar bautismo di e prome disco compacto di "BAD BOYS BRASS". Pa e ocasion special aki a fungi dos madrina y dos padrino durante e acto di bautismo. Riba foto nos por aprecia e momento cu padrino Ruben Garcia ta basha e champagne den presencia di e madrinanan Leoncita Richardson y Betty Illes Werleman. Tambe por aprecia e caranan sonriente y sumamente satisfecho di e motornan incansabel tras di e fantastico proyecto aki, Colochi Bikker, Otmar Oduber y Ivo Yanes. Mas den transcurso di siman DEN AMBIENTE lo bay sostene un entrevista cu Colochi Bikker tocante e tremendo C.D. aki, cual sigur tur bon carnavalista mester tin den nan coleccion. DEN AMBIENTE ta felicita e integrantenan y tambe tur esnan cu a yuda realisa e bunita produccion aki di "BAD BOYS BRASS". Un biaha mas PABIEN !..**